

SMJERNICE

za organizacije civilnog društva

LOT1



Općina Kalesija

**Cilj ovih Smjernica je da pruže uputstva
organizacijama civilnog društva o
procesu podnošenja prijave na Javni
poziv u Općini Kalesija**

1. CILJ POZIVA, TEMATSKE OBLASTI I USKLAĐENOST S CILJEVIMA ODRŽIVOG RAZVOJA

Svrha ovog poziva je dalje jačanje partnerskih odnosa između OCD i jedinica lokalne samouprave (JLS) izgradnjom svijesti o korisnosti međusobne saradnje i podsticanju održivog dijaloga, a sve u cilju pružanja boljih usluga u lokalnoj zajednici.

Tematske oblasti su potvrđene kroz konsultacije s predstavnicima/ama OCD.

TEMATSKE OBLASTI ZA JAVNI POZIV

1. SOCIJALNA POLITIKA I SOCIJALNO UKLJUČIVANJE

- 1.1. Projekti koji povećavaju socijalnu inkluziju osoba s poteškoćama u razvoju;
- 1.2. Projekti koji doprinose unapređenju kvaliteta života lica sa invaliditetom, onkoloških pacijenata i osoba koje boluju od hroničnih bolesti;
- 1.3. Projekti koji podstiču programe i edukacije u oblasti zapošljavanja, naročito za kategorije stanovništva koje se teško zapošljavaju: osobe sa invaliditetom, lica starija od 50 godina s posebnim akcentom na žene;
- 1.4. Projekti koji podstiču nove usluge za stara lica i socijalno ranjive kategorije stanovništva;
- 1.5. Projekti prevencije nasilja u porodici i društvu, maloljetnička delinkvencija i borba protiv ovisnosti.



2. MLADI

- 2.1. Unapređenje zdravih stilova života i aktivnosti za kvalitetno provođenje slobodnog vremena;
- 2.2. Projekti koji uključuju osnaživanje mladih za aktivnosti vršnjačkog podučavanja ili solidarnosti prema mladima koji nemaju jednake uslove za lični razvoj (razvoj volonterizma u oblasti neformalnog obrazovanja);
- 2.3. Podrška projektima s ciljem edukacije i prevencije oboljenja kod mladih (npr. seksualno obrazovanje, reproduktivno zdravlje, bolesti ovisnosti i slično);
- 2.4. Projekti koji pružaju inovativne sadržaje za mlade (filmske projekcije, pozorišne predstave, ulični festivali, kreativne radionice, zabavna druženja i slično).



3. KULTURA

- 3.1. Poboljšanje kvaliteta i dostupnosti kulturnih sadržaja za sve kategorije stanovništva kroz promociju različitih vidova kulture, umjetnosti, kulturno–umjetničkog amaterizma i volonterizma;
- 3.2. Zaštita, očuvanje i promocija materijalnog i nematerijalnog kulturno–historijskog naslijeđa.



4. ZAŠTITA ZDRAVLJA

- 4.1. Promocija zdravih stilova života, u cilju prevencije i unapređenja zdravlja;
- 4.2. Edukacija o bolestima zavisnosti i opasnostima modernog doba (opasnosti na internetu, vršnjačko nasilje, ...).



5. RAVNOPRAVNOST SPOLOVA

- 5.1. Ekonomsko i psihosocijalno osnaživanje žena;
- 5.2. Prevencija i borba protiv nasilja u porodici i nasilja nad ženama, te podrškama ženama žrtvama rodno zasnovanog nasilja.



6. ZAŠTITA ŽIVOTNE SREDINE

- 6.1. Projekti koji promovišu zaštitu životne sredine i zaštitu okoline uz građanski volonterizam i aktivizam;
- 6.2. Projekti koji doprinose stvaranju edukativno–rekreativnih sadržaja iz oblasti zaštite životne sredine za cjelokupno stanovništvo.



Projekti trebaju odgovoriti na konkretne potrebe u općini Kalesija, u skladu s navedenim tematskim oblastima, jasno definisati ciljne grupe kojima su aktivnosti namijenjene, te uključivati mjere koje doprinose poboljšanju kvaliteta života građana/ki. Na taj način, OCD doprinose društvenom razvoju i jačanju participativne uloge građana/ki u donošenju odluka na lokalnom nivou.

2. KO MOŽE PODNIJETI PRIJAVU?

Učešće u ovom Javnom pozivu je otvoreno, na jednakim osnovama, **za sve formalno registrovane OCD (udruženje/udruga ili fondacija) u skladu s važećim zakonskim propisima u Bosni i Hercegovini.**

VAŽNO: Da bi se prijavili na Javni poziv, podnosioci prijave moraju dostaviti Izvod iz registra organizacija civilnog društva[1], s obzirom da je ovaj dokument eliminatorni.

Dokumentacija koju organizacija, podnosilac prijave, priloži tokom Javnog poziva se neće vraćati na zahtjev.

[1] Dokument ne smije biti stariji od šest (6) mjeseci od datuma objave Javnog poziva. Izvod iz registra je službeni dokument koji potvrđuje da je određeno udruženje ili fondacija registrovana kao pravno lice u skladu sa zakonima Bosne i Hercegovine.

3. DETALJI JAVNOG POZIVA

LOT 1 je namijenjen lokalnim (eng. grassroot) organizacijama civilnog društva koje do sada nisu imale iskustva u realizaciji projekata čiji su budžeti prelazili iznose predviđene ovim LOT-om.

	VRIJEDNOSNI PRAG	OBAVEZNA ELEKTRONSKA DOKUMENTACIJA	DODATNA DOKUMENTACIJA
LOT 1 minimalno 50 poena	5.000 – 17.000 KM	Ovjerena kopija Izvoda iz registra Projektni prijedlog Pregled budžeta Plan aktivnosti i promocije	Bilans stanja i bilans uspjeha za 2025. godinu

U slučaju da prijava bude odobrena, OCD će u pisanoj formi biti obavještena da dostavi i sljedeće dokumente:

- Statut organizacije podnosioca prijave;
- Uvjerenje o izmirenim obavezama po osnovu poreza i doprinosa (Uvjerenje izdaje Porezna ispostava prema mjestu sjedišta pravnog lica ili prebivališta fizičkog lica);
- Uvjerenje da se protiv podnosioca prijave, odnosno osobe ovlaštene za zastupanje, ne vodi krivični postupak i nije pravosnažno osuđena za prekršaj i/ili počinjenje krivičnog djela (Uvjerenje izdaje nadležni sud);
- Administrativni podaci o podnosiocu prijave;
- Finansijska identifikaciona forma;
- Izjava o podobnosti;
- Izjava o dvostrukom finansiranju;
- Godišnji narativni izvještaj organizacije za 2025. godinu.

4. TRAJANJE I LOKACIJA REALIZACIJE PROJEKATA

Trajanje projekata:

od četiri (4) do deset (10) mjeseci.

Svi projekti trebaju biti provedeni u periodu juli 2026. - maj 2027. godine.

Projekti moraju biti provedeni isključivo na području općine Kalesija i za stanovnike općine Kalesija.

5. ELIMINATORNI KRITERIJI I AKTIVNOSTI KOJE NISU PREPORUČENE ZA FINANSIRANJE

U okviru ovog Javnog poziva neće biti podržane aktivnosti koje nisu u skladu s temama poziva, niti one koje **ne doprinose** ostvarenju konkretnih rezultata u lokalnoj zajednici.

Sljedeće aktivnosti nisu preporučene za finansiranje:

- aktivnosti koje imaju za cilj ličnu korist, a koje se odnose na inicijative ili troškove koji ne doprinose opštem interesu zajednice, već koriste pojedincu ili ograničenom broju osoba bez šireg društvenog efekta;
- aktivnosti koje uključuju političko, religijsko ili etničko djelovanje i promociju;
- aktivnosti koje su već finansirane iz drugih izvora;
- aktivnosti koje podrazumijevaju dodjelu sredstava drugim subjektima;
- finansiranje projekata koji su u toku ili su završeni;
- dodjeljivanje humanitarne pomoći (humanitarnih paketa, direktne novčane ili materijalne pomoći);
- plaćanje zdravstvenih usluga koje su već pokriveno kroz sistem zdravstvene zaštite;
- projekti koji su već podržani u okviru prethodno provedenih javnih poziva.

Ukoliko prethodno navedene aktivnosti čine okosnicu projekta, Komisija za evaluaciju će isključiti prijavu iz dalje evaluacije.

Komisija za evaluaciju će po sljedećim osnovama odbiti prijave koji nisu u skladu s Javnim pozivom:

- nepoštivanje navedenog roka za dostavu prijave;
- projekti koji traju kraće od četiri ili duže od deset mjeseci;
- projekti koji traju od četiri do deset mjeseci, ali se ne realizuju u periodu od jula 2026. do maja 2027. godine;
- projekti čiji je budžet ispod minimalnih i iznad maksimalnih vrijednosti;
- projekti koji se ne provode na teritoriji općine Kalesija i/ili nisu namijenjeni stanovnicima općine Kalesija;
- projekti koji nemaju kontinuitet u realizaciji aktivnosti (period od jednog ili više mjeseci tokom trajanja projekta u kojem nisu planirane nikakve aktivnosti);
- OCD (podnosioci prijave) koji su u sukobu interesa, odnosno ukoliko je u njihovim upravljačkim strukturama imenovan/a uposlenik/ca JLS.

6. BROJ PRIJAVA I GRANTOVA PO PODNOŠIOCU PRIJAVE

Jedna organizacija može podnijeti više prijava u okviru jednog ili više javnih poziva.

Ukoliko OCD podnosi više od jedne prijave, dužna je za svaku dostaviti zasebno kovertiranu prijavu i traženu dokumentaciju na posebnom USB-u.

7. GDJE I KAKO PREUZETI I POSLATI PRIJAVE

Dokumentacija za prijavu na Javni poziv može se preuzeti od 23. aprila do 21. maja, 2026. godine, sa zvanične web stranica Općine Kalesija (www.kalesija.ba).

Prijava na Javni poziv mora **sadržavati jedan elektronski primjerak (USB)** sa obaveznom dokumentacijom, te **ovjerenu kopiju Izvoda iz registra**.

Prijava se dostavlja u jednoj zatvorenoj koverti s naznakom za javni poziv organizacije civilnog društva, **lično na protokol Općine Kalesija**, od ponedjeljka do petka, u periodu od 07:30 do 16:00 sati, ili **preporučenom poštom** na adresu:

Općina Kalesija
Ul. Patriotske lige 15
75260 Kalesija, Bosna i Hercegovina

Rok za predaju prijava je **21. maj, 2026. godine, do 15:00 sati**. Prijave pristigle nakon navedenog roka će biti razmatrane samo ako poštanski žig jasno ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijava, puno ime i adresu podnosioca prijave, puni naziv projekta i riječi **“Ne otvarati prije zvaničnog otvaranja”**.

8. DODATNE INFORMACIJE

Prezentacija Javnog poziva za zainteresovane OCD će biti održana 06. maja, 2026. godine, od 14:00 do 15:00 sati, u zgradi Općine Kalesija (ul. Patriotske lige 15).

Pitanja u vezi s Javnim pozivom podnosioci prijava mogu poslati na **e-mail adresu hajrija.sehic@kalesija.ba** s naznakom za **Javni poziv – organizacije civilnog društva** najkasnije **do 18. maja, 2026. godine**. Odgovori će biti dostavljeni u pisanoj formi u roku od tri (3) radna dana od dana zaprimanja upita.

9. EVALUACIJA I ODABIR PRIJAVA

Prijave će razmotriti i ocijeniti Komisija za ocjenu projekata organizacija civilnog društva.

Eliminatorni kriteriji za selekciju i dodjelu sredstava

1. Finansijski i operativni kapacitet (eliminatorni kriterij)

Ovim kriterijem se procjenjuju kapaciteti OCD podnosioca prijave da uspješno provede predloženi projekat. Cilj je utvrditi da li organizacija ima prethodno iskustvo, znanje, strukturu i resurse potrebne za efikasnu realizaciju planiranih aktivnosti i upravljanje dodijeljenim sredstvima.

Samo prijave koje ostvare minimalno 10 bodova u ovoj sekciji bit će dalje evaluirane.

2. Relevantnost (eliminatorni kriterij)

Kroz ovaj kriterij ocjenjuje se stepen usklađenosti projektnog prijedloga s tematskim oblastima Javnog poziva. Projekat s kojim se OCD prijavljuje na Javni poziv mora biti usmjeren na najmanje jednu od utvrđenih tematskih oblasti. Također se vrednuje jasnoća definisanja ciljne grupe i njenih potreba, kao i dodatne kvalitete projekta odnosno koliko postiže konkretne rezultate u lokalnoj zajednici.

Samo prijave koje ostvare minimalno 18 bodova u ovoj sekciji bit će dalje evaluirane.

Samo prijave organizacija koje, nakon ispunjavanja eliminatornih kriterija, ostvare više od 50 bodova, u skladu s evaluacionom matricom, biti će predložene za finansiranje.

10. OBAVJEŠTENJE O REZULTATIMA JAVNOG POZIVA

Rezultati Javnog poziva će biti objavljeni na web stranici Općine Kalesija www.kalesija.ba, kao i na oglasnoj ploči u zgradi Općine.

Samo organizacije civilnog društva čije su prijave odabrane za finansiranje bit će obaviještene pisanim putem.

Podnošenje prigovora

Organizacije civilnog društva čije prijave nisu odabrane za finansiranje imaju pravo **podnijeti prigovor u roku od osam (8) dana od dana objavljivanja** rezultata Javnog poziva na službenoj stranici Općine Kalesija. Prigovori se podnose pisanim putem, uz jasno obrazloženje razloga podnošenja. O podnesenim prigovorima odlučivat će Komisija za drugostepeno upravno rješavanje Općinskog vijeća Kalesija.